



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Symbolum XXXII. Arachne puella in araneam transformatur.

[urn:nbn:de:hbz:466:1-68709](#)

SYMBOLVM XXXII.

Arachne puella in araneam transformatur.

6. Metam.

Ethicè.

1. Ingratus discipulus. 2. Frivola & inania hominum studia. 3.
Hominis cum aranea comparatio.

Fuit hæc filia *Idmonis*, tinctoris Lydij, viri obscuri atque opificis; ex matre pariter ignobili, quæ tamen arte nendi ac texendi, famam apud multos collegerat. *Arachne* non maternum tantum artificium probè calluerat, sed insuper acu pingebat elegantissimè, & Phrygionum sui temporis manum ita vicerat, ut omnem per Lydiam celebraretur; adeò, ut Nymphæ quoque regionis illius ac fluviorum accolæ, frequenter ad eam, operis admiratrices, inviserent. Ea nominis celebritas inflavit tumidiùs puellam; eoque prolapsa est insolentiæ, ut neque Minervam artis suæ præsidem agnosceret, neque in certandi discrimen cum ea descendere subterfugeret. Dij ut lento pede ad vindictam procedunt, sic Pallas quoque aliquid puellari ætati dandum rata, formam & habitum vetulæ induit, sèque sub eo schemate ad Arachnen confert, & verbis ad omnem humanitatem compositis, admonet temeritatis suæ, adque rogandam stolidæ provocationis veniam adducere conatur. Illa vultu personatam anum intuita, vix continuit manus, quin ejus vultum, tanquam acu Phrygia pingeret; certè superbis in eam dictis involavit, & vias suas relegere jussit, nisi facta quoque experiri vellet. Cur non veniret ipsa in conspectum, & in artis experimentum Minerva; se punctim cum ea dimicaturam acu: aut si placeret magis, cæsim, texturâ staminum, & jugali tela. Excussit iram Deæ, jactantia & procacitas juvenculæ; & quoniam ita lubitum est, ait, certemus; manum non in tela, sed telam stringamus. Similque positâ personâ ad opus se accingit.

Haud mora; consistunt diversis partibus ambæ,
Et gracili geminas intendunt stamine telas;
Tela jugo juncta est, stamen secernit arundo,
Inseritur medium radijs subtegmen acutis;

X 3

Quod

Quod digitū expeditū; atque inter stamna dactū
Percusso feriunt insecti pectine dentes.

Utraque festinat, cinctaeque ad pectora veste,
Brachia docta movent, studio fallente labore.

Utraque magna argumentorum & simulacrorum varietate telam suam exornavit; Arachne quidem parū memor virginalis pudoris, diuersos & obscenos superum amores intexuit; Pallas verò castimonia ac verecundia apprimè studiosa, nil nisi castum, pudicumque figurabat. Opus utrinque fervet; labor tam feliciter succedit Arachnæ, ut etiam invidiam concitārit Deæ. Quæ denique arrogantiam & impudentiam pueræ non ferens, manū injecit ejus operi & disruptū; móxque corupto radiō, faciem adversariæ non perfunctoriè percussit. Ista contumeliam nec sustinere, nec vindicare valens, ultionem in seipsum convertit, collūmque laqueo ligavit. Dea pendentem miserata, levavit quidem, & eam vivere jussit, sed simul pendere, in aliarum exemplum. Inde aspersam succo quodam venenoso, repente in araneam convertit.

Fītque caput minimum, toto quoque corpore parva est:

In latere exiles digitū pro cruribus hærent:

Cætera venter habet: de quo tamen illa remittit

Stamen, & antiquas exercet aranea telas.

Ethica.

I. (a) Fabulæ finis seu ἡπιωνίον, inter alia hoc est. Primo Arachne ingenio suo superbens, negabat se Pallade (quæ tamen inventrix & præses est artis nendi & texendi) magistrā, vel auxilio usam. Deinde non veretur tantam Deam in certamen provocare. Tertio salutaria sub grandevæ matronæ specie monentem, pervicaciter aspernatur:

Certet, ait, mecum: nihil est, quod victa recusem;

Cur non ipsa venit? cur haec certamina vitat?

Consilij satis est in me mihi.

Quid jactantius his verbis? quid ingratius hoc animo? Non tantum non agnoscit artificij sui autorem & magistram Arachne, sed insuper procaciter contemnit, & ei se arrogantissime præfert. Non rarum hoc in discipulis ingratis exemplum est; pudet ipsos obnoxios vivere magistris suis, & agnoscere fontem, unde hauserunt. Gratiam bene merentibus tantum abest, ut referant, ut etiam debere se negent; à quo

crimine

(a) Ingratus discipulus.



crimine etiam bestiæ abhorrent. Aliter Romani, apud quos *Fontinalia*, dies erat festus, quo in fontes coronas projiciebant, puteosque corona- bant, ut, à quibus pellucidos liquores ad restinguendam sitim acciperent, ijsdem gratiam referre hoc ritu viderentur. Æquum est enim eos, à quibus haurimus beneficia, laude & gratulatione persequi. Vetus verbum est: *Si aquam hauris, putem corona.* Ægyptij siphonibus Nilia- cis leonina capita adsculpebant., eò quod Ægyptum fœcundaret aquis Nili inundatione leonis sidus. Hoc gratæ mentis, & beneficiorum me- moris, symbolum est.

II. (b) Arachne in bestiolam abiit, muscarum venationi inten- tam. Sic Deus ulciscitur superbū & ingratum animū, ut ad extremū fastuosus spiritus in vilissimis curis insumatur, instarque retis ab araneo nEXI, ventis in ludibrium, hominibus in fabulam cedat. Quantū se inflaverat olim Domitianus ille Imp. Romanus; qui Deos novos condi- dit, & seipsum Deum dixit, scripsitque. Qui Minervæ se filium credi voluit; qui sub imagine Herculis adoratus fuit. de quo adulator Mar- tialis lib. 6.

Censor maxime, Principumque Princeps,
Vrbs cùm tortibi debeat triumphos,
Tot nascentia templa, tot renata
Tot spectacula, tot Deos, tot urbes.

(c) Ille inquam Domitianus, Deus ac Dominus, quotidie horas aliquor in cubiculum se abdebat, quasi de rebus magnis consulturus; cùm verò ministri aliquando per rimam, quid intus ageret, curiosius indagarent, viderunt Imperatorem muscas stylo configentem. Hinc percunctanti- bus, quis intus esset cum Imperatore? *Ne musca quidem*, responde- bant. Non minus stolidè *Heliogabalus*, Romanorum & ipse Imperator, qui jubebat servos millena pondo sibi aranearum deferre, propositō pro- miō; collegisque dicitur decem millia pondo aranearum, dicens & hinc intelligendum, quām magna esset Roma. Lamprid. En quō su- perbia recidat. Perinde ridiculē & sanè *HartabuS Hircaniae rex tal- pas capiebat*: *EropuS Macedoniae rex*, lateribus conficiendis delectaba- tur: *Bias rex Lydiæ*, filo ranas colligabat. Vah coronata stultitia! His accensendi, qui insanientis sapientiæ studiosi ac magistri, inutili ac futili labore, veluti aranei, consumuntur, de quibus non inscīte Mar- tialis lib. 2. epig. 85.

Turpe est difficiles habere nugas,
Et stultus labor est ineptiarum.

Horum

(b) Frivoli & inania hominum studia. (c) Imperatorum & regum.

(d) Horum integrā classē Romanus Philosophus inducit. Didymus ille Grammaticus, qui ab assiduitate laboris χαλκέντερος, id est, ferreis visceribus, dictus est, quatuor millia librorum scripsisse dicitur. In his libris de patria Homeri quæritur; in his de matre Æneæ vera; libidinosior Anacreon, an ebriosior vixerit? an Sappho publica fuerit? Seneca ep. 88. Consimile studium Tiberij Imp. Rom. fuit, de quo Suetonius scribit, has quæstiones eum sciscitari consuetum: Quæ mater Hebe? quod Achilli nomen inter filias Chironis? quid Sirenes cantare consuerint? quot Vlysses remiges habuerit? priorne scripta sit ilias, an odyssea? dexterōne an sinistro pede Æneas exscenderit. Et Plutarchus memorat in Convivio septem Sapientum, inquisitum, utrum prius fuerit, ovum, an gallina? Nec desunt cuminiferae, & vocabulorum οἰγότους, seu radicum sectores, qui abutentes otio, voces singulas & Syllabas exenterant, qui disputant, quid inter stillam & guttam intersit; reperire & invenire, quantum differant apud Nasonem i. Metam.

----- & non inventa reperta est.

(e) Socratem quis occupari credat, ut saltum pulicis, pede ceræ impresso, metiri queat? quasi Philosopho dignum sit, operoso studio confectari, ter millies quadragesies quinques hunc saltu uno, molem corporis excedere. Quid, quod & hujus ævi viri, cæterum docti, his aranearum textoribus adnumerari possint, qui operosè pervestigant, si chimæra esset homo, cui scientiæ se traderet? inter quos Professor ille accensendus, qui, ut Drexelius commemorat Rhet. lib. i. c. 10. quæstiones Theologicas nihil faciebat, sed si *modales* incidissent, ubi *absolutum*, ubi *respectivum*, quasi Solimannum debellasset, ita insurgebat. Huc pertinent Sophistæ, qui vafris conclusiunculis, contortis quæstiunculis, cavillationibus, paralogismis, ac vitiosis argumentationibus, variisque fallaciarum specie alios decipere laborant. Possis etiam huc revocare illa ingenia, quæ in describendo passere, canis, fele, rana, musca, culice, pulice, pediculo; in laudanda mendicitate, ebrietate, luto, ipsa etiam stultitia, elaborato opere desudarunt. (f) Huc quoque referas *hereticos*, qui subtilitate ingenij nihil aliud diu noctuque texunt, quam aranearum telas, hoc est, fallacia animarum reticula, sed infirma, & uno Veritatis halitu diffusa. His adde Legum latores, & Judices, quorum edicta, decreta, mandata, leges, sunt aranorum casses, in quos si muscae & volatilia alia pusilla inciderint, capiuntur & pereunt: fortiora

(d) Grammaticorum. (e) Dialedicorum. (f) Hereticorum.

tiora verò animalia perrupto facile textu, quoquò libuerit, elabuntur: ita leges imbecillam & tenuem plebeculam cohibent atque castigant, potentioribus verò nihil adversantur, qui eas ex arbitrio tollunt, scindunt, abrogant, refigunt. Pierius in Hieroglyph. lib. 26. cap. 47. His vir quidam doctus connumerat cincinnatulos pueros, puellásque, qui in comedis capillis tempus malè perdunt, & stulto se labore consumunt, crinum expandendo retia ad muscas, hoc est, ad gloriolam aliquam & vanitatem, vel blandiorem oculi alieni nictationem aucupandam. Atque horum omnium, quos recensuimus, Symbolum est *Arachne*, quæ fiduciā ingenij & artis elata, cum suo fastu in araneiam immigravit, & in elaboranda textili nebula, studium omne, vitamque consumpsit. Hinc proverbio locus factus: *aranearum telas texere*, id est in re frivola, nulliusque frugis, infinitum atque anxium labore capere.

III. (b) Non possum omittere, quin hic adducam virorum doctorum sensa super illud psalmi 89. *Anni nostri sicut aranea meditabuntur*, id est, reputabuntur, quia laboriosi sunt, & tamen inutiles, & vani, ut anni araneæ. In quæ verba Hugo Cardinalis; aranea, inquit, primò facit telam subtilem, & inutilem; idem facit astutia mundi. Isa. 19. *Confundentur texentes subtilia*. Quales illi, qui annos consumunt ant subtili & inutili, quod supra diximus, studio: aut astuti sunt & versuti in technis & fraudibus texendis, ut alios capiant & irretiant. Pergit Hugo. Secundò aranea se eviscerat; sic facit, avarus. Eccli. 10. *Nihil est iniquius, quam amare pecuniam; hic enim & animam suam venalem habet; quoniam in vita sua projecta intima sua, id est, ilia & exta instar araneæ, vitam & animam exposuit, ac perdidit ad opes acquirendas & accumulandas*. 3. Aranea multum laborat, & citò dissipatur opus ejus; sic accedit homini in fugacibus rebus spem suam ponenti. Jobi 8. *Sicut tela aranearum fiducia ejus*. 4. Aranea tabescit, cùm telam suam ruptam conspicit. Contingit hoc longa cogitationum ac negotiorum suorum fila ducentibus, & alta meditantibus. In tales illud psal. 38. convenit: *Tabescere fecisti, sicut araneam, animam ejus*. 5. Vita hominum vanitatibus, & curis terrenis deditorum insperatò rumpitur, uti araneorum tela. Isa. 38. *Dum adhuc ordirer, succidit me*. Dum divitijs crescere, honoribus ascendere, atate ac forma florescere incipiunt, mors telam abrumpit; annique male consumpti seris gemitis revocantur Isa. 59. *Quia telas aranearum texerunt; opera con-*

Y

(g) *Puerarum & puerorum (h) Hominis cum aranea comparatio-*

rum, opera inutilia. 6. Aranearum tela semel rupta, resarciri non potest. Nempe sera venit post fata poenitentia; cassum fuit, quidquid laboratum fuit. Hæc Hugo. S. Augustinus in eundem psalmi locum. Aranea, inquit, huc illuc discurrit, & textit tota die: & labor quidem grandis est, sed effectus nullus. Sic & vita hominum huc illucque discurrit: possessiones quærimus, divitias appetimus, procreamus filios, in regna sustollimur, & omnia facimus; & non intelligimus, quod araneæ telam teximus. Hæc eadem Psaltis regij verba eleganter & facundè, ut solet, explicat P. Hieremias Drexelius, Consid. 7. de æternit. quem opera pretium est audire. Quid, ait, aliud sunt anni nostri, nisi continua exercitatio, & laboriosa meditatio? totum vitæ nostra tempus varijs laboribus, multis doloribus, varijs timoribus, crebris suspicionibus, sollicitudinibus pœnè innumeris exercetur; sicut aranea cum fila filis necit, catenatus & continuus est labor noster, continua suspiria, jam ut illo fruamur, jam ut istud amoliamur à nobis: & necimus, quod aranearum telam teximus, grandi labore, raro successu, nullo effectu. Aranea laboriosè telam suam orditur, diu multumque discurrit, hac illac circuit, in idem saepius redit, seipsum consumit, dum suam illam multiplicium filorum rotulam absolvat. Exenterat & evicerat sese, ut suum illud perflatile tentoriolum ex arte concinnet. Quod ut sublimè suspendat, affigat, firmetque, sexcenties, it & redit, nec visceribus suis parcit: libenter ea in tenuissimam hanc texturam impendit. Cum verò tralucidum hoc & subtilissimum conopeum jam pendet alligatum, & textile hoc opus absolutum est, ad levem scoparum ductum omnis labor intercidit & perit; misella verò aranea vel in tela sua interficitur, vel eâ, velut laqueo, trahitur ad mortem, pede obterrena. Ita imprudens animalculum, aut funebre sibi ipsi linteum necit, quo involvretur: aut restem confecit, quod necaretur. Ita prorsus homines, instar araneæ, multis sese laboribus exhausti, ut in altum emergant, ut voluptatibus affluant, ut opes struant, retineant, & angent. Hisce conatibus omne suum ingenium impendunt, sudant, enervantur, sicut araneæ viscerum egestu; & cum omnia fecerint, telas aranearum habent, & textrinum opus ad capiendas muscas. Hæc ille pie, docteque de araneæ laboribus.



SYM-